

永樂大典卷之六千八百三十七

十八陽

王

王懷

齊書列傳懷字懷周不知何許人也少好弓馬頗有氣尚值北

遠喪亂年從戎旅韓瑒及於幽州懷知其無成陰結所親以中
興初叛樓歸魏拜征虜將軍第一領民酋長武周縣侯高祖東出懷率其
部人三千餘家隨高祖於冀州義旗建高祖以爲大都督從討爾朱兆於
廣阿破之除安北將軍蔚州刺史又隨高祖攻鄴克之從破四胡於韓陵
進爵爲侯仍從入洛拜車騎將軍改封盧鄉縣侯天平中除使持節廣州
軍事梁遣將湛僧珍楊暕來寇懷與行臺元景擊須城拔之擒暕又從高
祖襲克西夏州還爲大都督鎮下館除儀同三司元象初爲大都督與諸
將西討遇疾卒於建州贈定幽恒肆四州諸軍事刺史司徒公尚書僕射
懷以武藝勳誠爲高祖所知志力未申論者惜其不遂皇建初配饗高祖
廟庭史臣贊見
賀拔允傳後

王則

齊書列傳則字元軌自云太原人也少驍果有武藝初隨叔父

魏廣平王內史老生征討每有戰功老生為朝廷所知則頗有

力初以軍功除給事中賜爵白水子後從元天穆討邢果輕騎深入為果

所擒元顥入洛則與老生俱降顥顥疑老生遂殺之則奔廣州刺史鄭先

護與同拒顥顥敗遂征虜將軍出為東徐州防城都督爾朱榮之死也東

徐州刺史斛斯椿其枝黨內懷憂怖時梁立魏汝南王悅為魏主資其士

馬送境上椿遂驪城降悅則與蘭陵太守李義擊其偏師破之魏因以則

行北徐州事復隸尔朱仲遠仲遠敗始歸高祖仍加征南將軍金紫先祿

大夫初隨荊州刺史賀拔勝後從行臺侯景周旋征討屢有功績天平初

行荊州事都督三荆二襄南雍六州軍事荊州刺史則有威武遠人畏服

之渭曲之役則為西師圍逼遂棄城奔梁梁尋放還高祖恕而不責元象

初除洛州刺史則性貪憚在州取受非法舊京取銅像毀以鑄錢于時世

號河陽錢皆出其家武定中復隨侯景西討景於潁川作逆時則鎮柘崖

成世宗以則有武用徵為滁州刺史景阮南附梁遣真陽侯明率大衆向

徐州以為影響堰清水灌州城則固守歷時而取受狼籍鎖送晉陽世宗

恕其罪武定七年春卒時年四十八贈青齊二州軍事司空青州刺史諡

曰烈懿則弟敬實少歷顯位後為東廣州刺史與蕭軌等攻建業不見尅沒為史臣贊見齊書列傳張瓊傳後

王峻

齊書列傳峻字雲嵩零丘人也明昭有幹略高祖以為相府累曾參軍坐事去官久之顯祖為儀同開府引為城局參軍累遷

恒州大中正世宗相府外兵參軍隨諸軍平淮陰賜爵北平縣男除營州刺史營州地接邊城賊數為民患峻至州邊設斥候廣置疑兵每有賊發

常出其不意要擊之賊不敢發合境獲安先是刺史陸士茂詐殺失韋八百餘人因此朝貢遂絕至是峻分命將士要其行路失韋果至大破之虜

其酋帥而還因厚加恩禮放遣之失韋遂獻款朝貢不絕峻有力焉初茹茹主菴羅辰率其餘黨東徙峻度其必來預為之備未幾菴羅辰到頓

單城西峻乃設奇伏大破之獲其名王郁久間豆拔提等數十人送於京師菴羅辰於此遁走帝甚嘉之遷秘書監廢帝即位除洛州刺史河陽道

行臺左丞皇建中詔於洛州西界掘長塹三百里置城戍以防間謀河清元年徵拜祠部尚書詔詣晉陽檢校兵馬俄而還鄴轉太僕卿及車駕巡

幸常與吏部尚書尉瑾輔皇太子諸親王同知後事仍賜食梁郡幹遷侍中除都官尚書及周師寇逼詔峻以本官與東安王婁陁武興王晉等自

鄴率衆赴河陽。禦之車駕幸洛陽。以懸軻爲周人所據。復詔岐爲南道行臺。與婁獻率軍南討。未至。周師棄城走。仍使慰輯。永鄆二州四年春。還京師。坐違格。私度禁物。并盜截軍糧。有司依格處斬。家口配沒。特詔決鞭一百。除名配甲坊。錮其家口。會赦免。停廢私門。天統二年。授驃騎大將軍。俄同三司。尋加開府。武平初。除侍中。四年。卒。贈司空。公史臣贊。見張纂傳後。

王紘

齊書列傳。紘字師羅。太安狄郡人也。爲小部酋帥。父基頗讀書。有智略。初從葛榮反。榮授基濟北王。寧州刺史。後葛榮破。而基

據城不下。余未榮遣使喻之。然後始降。榮後以爲府從事中郎。令率衆鎮唐川。榮死。紘豆陵步。蕭虜基歸河。西後逃歸。余兆高祖平兆。以基爲都督。除義寧太守。基先於葛榮軍。與周文帝。據有關中。高祖遣基與長史侯景同使於周。文帝留基不遣。基後逃歸。除冀州長史。後行肆州事。元象初。累遷南益州北豫州刺史。所歷皆好聚斂。然性和直。吏民不甚患之。興和四年冬。爲奴所害。時年六十五。贈征東將軍。吏部尚書。定州刺史。紘少好方馬。善騎射。頗愛文學。性機敏。應對便捷。年十三。見揚州刺史太原郭元貞。元貞撫其背曰。汝讀何書。對曰。誦孝經。曰。孝經云。何白在上。不驕爲下。

不亂。貞曰。吾作判史。豈其驕乎。絃曰。公雖不驕。君子防未然。亦願留意。元貞稱善。年十五。隨父在北。豫州行臺侯景與人論掩衣法。爲當左。爲當右。尚書耿顯弼曰。孔子云。微管仲。吾其被髮左衽矣。以此言之。右衽爲是。絃進曰。國家龍飛朔野。雖步中原。五帝興儀。三王殊制。掩衣左右。何足是非。景奇其早惠。賜以名馬。典和中。世宗召爲庫直。除奉朝請。世宗暴崩。絃冒刃捍禦。以忠節。賜爵平春縣男。發帑七百萬緡。錦五十疋。錢三萬。并金帶。駿馬。仍除晉陽令。天保初。加寧遠將軍。顯祖所知。待帝嘗與左右飲酒。曰。快哉大樂。絃對曰。亦有大樂。亦有犬苦。帝曰。何爲犬苦。絃曰。長夜荒飲。不寤。亡國破家。身死名滅。所謂大苦。帝默然。復責絃曰。爾與範奚舍樂。同事我兄弟。舍樂死。尔何爲不死。絃曰。君亡臣死。自是常節。但賊豎力薄。斫輕。故臣不死。帝使燕子獻反縛。絃長廣王捉頭。帝手刃將下。絃曰。楊遵彥。崔李舒。逃走避難。位至僕射。尚書。冒死效命之士。反見屠戮。曠古未有。此事帝投刃於地。曰。王師雖不得殺。遂捨之。乾明元年。昭帝作相。補中外府功曹參軍事。皇建元年。進爵義陽縣子。河清三年。與諸將征突厥。加驃騎大將軍。天統元年。除給事黃門侍郎。加射聲校尉。四遷散騎常侍。武平初。開府儀同三司。絃上言。突厥與宇文男來女往。必當相與影響。南北寇

邊宜選九州中男強弩多捷要險之地伏願陛下哀忠念舊愛孤恤寡矜愚嘉善舍過記功敦骨肉之情廣寬仁之路思堯舜之風慕禹湯之德充已復禮以成美化天下幸甚五年陳人寇淮南詔令群官共議樂捍封輔相請出討李紘曰官軍頻經失利人情騷動若復興兵極武出順江淮恐北狄惡寇乘我之弊傾國而來則世事去矣莫若薄賦省徭息民養士使朝廷協睦遐通歸心征之以仁義鼓之以道德天下皆當肅清豈直偽陳而已高阿那肱謂衆人從王武衡者南席衆皆同焉尋兼侍中聘於周使還即正未幾而卒紘好著述作鑒誠二十四篇頗有文義

王琳

齊書列傳琳字子珩會稽山陰人也父顯嗣梁湘東王國常侍琳本兵家元帝居藩琳姊妹並入後庭見幸琳由此未弱冠得

在左右少好武遂爲將帥太清二年侯景渡江遣琳獻米萬石未至都城陷乃中江沉棹輕舸還荊州稍遷岳陽內史以軍功封建寧縣侯侯景遣將宋子仙據郢州琳攻剋之擒子仙又隨王僧辯破景後拜湘州刺史琳果勁絕人又能傾身下士所得賁物不以入家麾下萬人多是江淮群盜平景之勲與杜龕俱爲第一恃寵縱暴於建業王僧辯禁之不可懼將爲亂啓請誅之琳亦疑禍令長史陸納率部曲前赴湘州身徑上江陵將行

謂納等曰。吾若不送。子將安之。咸曰。請死相報。泣而別。及至帝以下吏而廷尉卿黃羅漢。太舟卿張戴。宣諭琳。單陸納等。及軍人並哭對使者莫肯受命。乃執黃羅漢殺張戴。戴性深刻。爲帝所信。荊州疾之如讎。故納等因人之欲抽腸繫馬。脚使繞而走。腸盡氣絕。又醫割備五刑而斬之。梁元遣王僧辯討納。納等敗走長沙。是時湘州未平。武陵王兵又甚盛。江陵公私恐懼。人有異圖。納啓申琳。罪請復本位。水爲奴婢。梁元乃鑲琳送長沙。時納兵出方戰。會琳至。僧辯升諸樓車以示之。納等投戈俱拜。舉軍皆哭曰。乞王郎入城。即出。及放琳入。納等乃降。湘州平。仍復本位。使琳拒蕭紀。紀平。授衡州刺史。梁元性多忌。以琳所部甚衆。又得衆心。故出之嶺外。又受都督廣州刺史。其友主書李膺。帝所任遇琳。告之曰。琳蒙拔擢。常欲畢命以報國恩。今天下未平。遽琳嶺外。如有萬一不虞。安得琳力材官正。故分望有限。可得與官爭爲帝乎。何不以琳爲雍州刺史。使鎮武寧。琳自放兵作田。爲國樂得。若聲急。動靜相知。執若遠棄嶺南。相去萬里。一日有變。將欲如何。琳非願長坐荆南。正以國計如此耳。膺然其言。不敢啓。故遂率其衆鎮嶺南。梁元爲魏國通。乃假琳赴援。除湘州刺史。琳師次長沙。和魏平江陵。已立梁王。啓乃爲梁元舉衆三軍。竊素遣別將侯平率舟師攻梁琳。

元兵長沙。傳徵諸方爲進趨之計。時長沙藩王蕭韶及上遊諸將。惟琳主盟。侯平雖不能渡江。頻破梁軍。又以琳兵威不接。翻更不受指麾。琳遣將討之。不尅。又師老兵疲。不能進。乃遣使奉表詣齊。并獻馴象。又使獻欵于魏。求其妻子。亦稱臣于梁。陳霸先既殺王僧辯。雖立敬帝。以侍中司空。徵琳不從命。乃大營樓船。將圖義舉。琳將帥各乘一艦。每行戰艦以千數。以野豬爲名。陳武帝遣將侯安都。周文育等討琳。仍受梁禪。安都歎曰。我其賊乎。師無名矣。遂戰於沅口。琳乘平肩輿執鉞而麾之。禽安都。文育其餘無所漏。唯以周鐵虎一人背恩斬之。錄安都。文育。寔琳所生。艦中令一閭監守之。琳乃移湘州。軍府就郢城。帶甲十萬。練兵於白水浦。琳巡軍而言曰。可以爲勤王之師矣。溫太真何人哉。江南梁帥熊曇朗。周迪。陳蒧。琳遣李孝欽。樊猛與余孝頃同討之。三將軍敗。並爲敵所囚。安都。文育等盡逃。還建業。初。魏尅江陵之時。永嘉王莊。年甫七歲。逃匿人家。後琳迎還湘中。衛送東下。及敬帝立。出質于齊。請納莊爲梁主。又宣遣兵援送。仍遣袁中書令李駒。駘。冊拜琳爲梁丞相。都督中外諸軍。錄尚書事。舍人辛慈。游詮之等。齎璽書江表。宣勞。自琳以下。皆有頒賜。琳乃遣兄子叔寶。率所部十州刺史子弟。赴鄴奉莊。募梁祚於鄴州。莊授琳侍中。使持節。大將軍。中。

書監改封安城郡公。其餘並依齊朝前命。及陳霸先即位。琳乃輔蒞。次于濡須口。齊遣揚州道行臺慕容徽率衆臨江。爲其聲援。陳遣安州刺史吳明徹江中。夜上將襲淦城。琳遣巴陵太守任忠大敗之。明徹僅以身免。琳兵思東下。陳遣司空侯安都等拒之。侯瑱等以琳軍方盛。引軍入蕪湖。避之時。西南風忽至。琳謂得天道。將直取揚州。侯瑱等徐出蕪湖。躡其後。比及兵交。西南風翻爲瑱用。琳兵放火燄。以擲舡者。皆反燒其舡。琳舡艦潰。亂兵士遁水死十二三。其餘皆棄舡上岸。爲陳軍所殺。殆盡。初琳命左長史袁泌。御史中丞劉仲威。同典兵侍御。蔣及軍敗。泌遂降陳。仲威以莊投歷陽。琳尋與莊同降鄴都。孝昭帝遣琳出合肥。鳩集義故。更圖進取。琳乃繕艦分遣。招募淮南。僉楚。皆願戮力。陳合州刺史裴景暉。琳兄珉之塔也。請以私屬。導引齊師。孝昭委琳與行臺右丞盧潛率兵應赴。沉吟不決。景暉懼事泄。挺身歸齊。孝昭賜琳璽書。令鎮壽陽。其部下將帥悉聽以行。乃除琳驃騎大將軍。開府儀同三司。楊州刺史。封會稽郡公。又增兵秩。兼給鏡吹琳水陸戒嚴。將觀衆而動。屬陳氏結好於齊。使琳更聽後圖。琳在壽陽。與行臺尚書盧潛不協。更相是非。被召還鄴。武成弘而不問。除滄州刺史。後以琳爲特進。侍中所居屋脊無故剝破。出赤蛆數升落地。化爲血蠕。

婦而動。又有龍出於門外之地。雲霧起。晝晦。會陳將吳明徹來寇。帝勅領軍將軍尉破胡等出援秦州。令琳共為經略。琳謂所親曰。今太歲在東南。歲星居斗牛分。太白已高。皆利為客。我將有喪。又謂破胡曰。吳兵甚銳。宜長策制之。慎勿輕關。破胡不從。遂戰。軍大敗。琳單馬突圍。僅而獲免。遂至彭城。帝令便赴壽陽。并許召募。又進封琳已陵郡王。陳將吳明徹進兵圍之。堰肥水灌城。而皮景和等屯於淮西。竟不赴救。明徹晝夜攻擊城內。水氣轉侵。人皆患腫。死病相枕。從七月至十月。城陷被執。百姓泣而從之。吳明徹恐其為變。殺之城東北二十里。時年四十八。哭者聲如雷。有一叟以酒脯來。酹盡。哀收其血懷之而去。傳首建康。懸之於市。琳故吏梁驃騎府倉曹參軍朱瑒致書陳尚書僕射徐陵求琳首曰。竊以朝市遷貿。傳骨梗之風。歷運推移。表忠貞之跡。故典午將滅。徐廣為晉家遺老。當塗已謝。馬季稱魏室忠臣。用能猶美於前書。岳名於後世。梁故建寧公琳洛濱餘貴。沂州舊族。立功代邸。効績中朝。當離亂之辰。揔方伯之任。金刀輕躬殉主。以身許國。寔追蹤於往彥。信踵武於前脩。而天厭梁德。上思巨難。徒蘊苞胥之念。終遺長弘之責。泊王業光啓。鼎祚有歸。於是遠跡山東。寄命河北。雖輕旅臣之歎。猶懷客卿之禮。感茲知己。忘此捐軀。至使身沒九泉。頭行

千里誠復馬革裹屍遂其生平之志。原野暴骸。會彼人臣之節。然身首異處。有足悲者。封樹靡卜。良可愴焉。場早遭米席。降薛君之吐握。荷魏公之知遇。是用雪中兩袂。痛可識之。顏回腸疾。首切猶生之面。伏惟聖恩。憐明詔。爰發款王經之哭。許田橫之葬。場雖芻蕘。竊亦有心。琳經莊壽陽。頗存遺愛。曾遊江右。非無餘德。比肩東閣之吏。繼踵西園之賓。願歸彼境。還脩窆廬。孤墳既築。或飛銜土之燕。豐碑式樹。時留墮淚之人。近故舊王館等。已有論牒。仰蒙制議。不遂所陳。昔廉公告逝。即肥川而建塋域。孫叔云亡。仍芻陂而植楸楨。由此言之。抑有其例。不使壽春城下。唯傳報蜀之人。滄州島上。獨有悲田之客。昧死陳祈。伏待刑憲。陵嘉其志節。又明徽亦數夢琳來首。泣為啓陳主而許之。仍與開府儀同主簿劉韶慧等。持其首還于淮南。權瘞八公山側。義故會葬者數千人。場等乃問道北歸。別議迎接。尋有揚州人茅知勝等五人。密送葬柩達于鄆。贈十五州諸軍事。揚州刺史侍中。特進。開府錄尚書事。謚曰忠武王。并給輜輶車。琳體兒。開雅。立髮委地。喜怒不形於色。雖無學業。而強記內敏。軍府佐吏千數。皆識其姓名。刑罰不濫。輕財愛士。待將卒之心。少在將帥。屢經喪亂。雅有忠義之節。雖本圖不遂。鄆人亦以此重之。待遇甚厚。及敗。為陳軍所執。吳明徽欲全

之。而其下將領多琳故。吏爭來致請。并相資給。明徹由此忌之。故及於難。當時田夫野老。知與不知。莫不爲之歎歎流涕。觀其誠信感物。雖李將軍之恂恂善誘。殆無以加焉。琳十七子。長子敬在齊。裴王爵。武平末。通直常侍。第九子衍。隋開皇中。開府儀同三司。大業初。卒於渝州。刺史。安慶府志。王琳爲梁。坐相聞陳高祖。乃以孫瑒爲郢州刺史。控留任奉。梁王莊出也。滿須口。齊行臺慕容儼帥衆臨江。爲之聲援。琳攻大雷。今望江也。陳遣侯瑱。侯安都。及徐度將兵禦之。吳明徹夜襲。湓城。琳遣任忠擊。明徹大破之。因引兵東下。詩海。繪章。劉景文集。僧辯遭擒。夫捕陳不忘良。世有忠臣事。身身殘。從來事。可怪淮南會葬人。

王春

齊書列傳。春河東人。少好易。占明風角。避於趙魏之間。飛符上天。高祖起於信都。引爲館客。韓陵之戰。四面受敵。從寅至午。三合三離。高祖將退。軍春叩馬諫曰。比未時必當大捷。遷轉其子詣王爲質。不勝請斬之。俄而賊大敗。其後每征討。其言多中。位徐州刺史。卒。北史列傳。燕術王春。河東安邑人也。後賜爵安夷縣公。卒。贈秦州刺史。論見北史。晁崇傳後。

王玄威

齊書列傳玄威恒農北陝人也。顯祖崩玄威立草廬於州城門外。袁豪蔬粥哭勞無時。刺史荀類以事奏聞。詔令問

狀玄威稱先帝統御萬國。悲澤被於蒼生。含氣之類莫不仰賴。玄威不勝悲慕中心知此。不知禮式。詔問玄威欲有所請。聽為表列。玄威云聞諱悲

號竊謂臣子同例。無所求謁。及至百日。乃自竭家財。設四百人齋會。忌日又設百僧供。至大除日。詔送白紬袴褶一具。與玄威釋服下州。令表異焉。

序見于什門傳前
贊亦見本傳後

王霸

真仙通鑑霸梁時人在福州三山怡山飛昇。今冲虛宮是也。有阜角樹猶存。霸嘗以金板鑿丹訣埋於山後。云有掘得之人亦

得道。其訣曰。金是砂。精牙是鉛。脚但了宗枝。用即不錯。一周既濟。開戶方得紅紫。射人光澤。奪目。研如粉膩。粒若胡麻。日服其一。不可妄加。骨挽金

質。容改童華。如欲點制。一粒之功。乾永十兩。五馬牙後。蔡君謨題云。真人王骨輕御氣昇瑤臺。俯首視下方。萬落腥塵埃。香火久未爨。山川空徘徊。

舊樹絡青蔓。靈墳生紫苔。燕坐白晝永。吟清風來。飛花亂棋子。遊蜂依酒杯。嘉月多醉飲。上客誠珍才。神仙那可冀。金鼎何時開。

王雄

周書列傳雄字胡布頭太原人也父嵩以雄傑著勲追贈柱國大將軍少傳安康郡公雄儀貌魁梧少有謀畧永安末從賀拔

岳入關除征西將軍金紫光祿大夫魏孝武西遷授都督封臨真縣伯邑五百戶大統初進爵爲公增邑二百戶拜武衛將軍加驃騎將軍增邑八

百戶進大都督尋拜儀同三司增邑三百戶遷開府儀同三司加侍中出爲岐州刺史進爵武威郡公進位大將軍行同州事十七年雄率軍出子

午登園梁上津魏興明年先之以其地爲東梁州尋而復叛又令雄討之魏恭帝元年賜姓可煩氏孝閔帝踐祚授少傅增邑二千戶進位柱國大

將軍武成初進封庸國公邑萬戶尋出爲涇州總管諸軍事涇州刺史保定四年從晉公護東征雄在塗遇病乃自力而進至印山與齊將斛律明

月接戰雄馳馬衝之殺三人明月退走雄追之明月左右皆散矣又盡惟餘一奴一矢在焉雄按狖不及明月者又餘曰惜爾不殺得但任爾是天

子明月乃射雄中額抱馬退走至營而薨時年五十八贈使持節太保同華等二十州諸軍事同州刺史謚曰忠子譙嗣自有傳史臣贊見周書列

傳達奚
武傳後

王謙

周書列傳王謙字初萬太保雄之子也性恭謹無他才能以父功累遷驃騎大將軍開府孝閔踐祚治右卜武伯雄從晉公護

東討爲齊人所斃朝議以謙父殞身行陣特加殊寵乃授謙柱國大將軍以情禮未終固辭不拜高祖手詔奪情襲爵庸公邑萬戶從皇太子討吐谷渾力戰有功是時高祖東征謙又力戰進上柱國益州總管時謙令司錄賀若昂奉表詣闕昂還具陳京師事勢謙以世受國恩將圖匡復遂舉兵署官司所管益潼新始龍卅青瀘戎寧汶陵遂合楚資眉晉十八州及嘉渝臨渠達隆通興武庸十州之人多從之總管長史乙弗虔益州刺史達奚慈勸謙據險觀變隆州刺史阿史那球爲謙畫三策曰公親率精銳直至散關蜀人知公有勤王之節必當各思効命此上策也出兵渠漢以顧天下此中策也坐守劍南發兵自衛此下策也謙參用其中下之策梁睿未至大劍譙遣兵鎮始州隋文即以睿爲行軍元帥使發利鳳文秦成諸州兵討之達奚慈乙弗虔等衆十萬攻利州聞睿至衆潰睿乘其弊縱兵深入慈虔密使詣睿請爲內應以贖罪譙不知之並令守成都譙先無善器承指父勳遂居重任初謀舉兵咸以地有江山之險進可以立功退可以自守且任用多非其才及聞睿兵奄至惶懼乃自率衆逆戰又以慈

虔之子為左右軍行數十里軍皆叛。譙以二十騎奔新都縣令王寶斬之。

傳首京師。虔以成都降。隋文以其首謀斬之。阿史那瓌亦誅。

封庸國公。以武威郡公回封譙安樂伯。回封第三弟震雄。死。朝議以譙父

領行陣。特加殊寵。授柱國大將軍。襲爵庸國公。建德五年。武帝東征。譙力

戰。進位上柱國。六年。授益州總管。十八州諸軍事。及宣帝崩。隋文帝輔政。

以梁睿為益州總管。時譙使司錄賀若昂奉表詣闕。昂還。具陳京師事。譙

所署國。國遠。莫甚。高阿那肱大將軍乙弗虔。楊安任峻。侯翕。景弼等。眾號

十萬。盡銳攻利州。總管楚國公豆盧勣拒戰。將四司。甚等諸軍。聞睿將至。

眾遂潰。譙所署大將軍符子英攻巴州。又為刺史呂玘所破。睿采其弊。縱

兵深入。甚虔密遣使詣睿。請為內應。以贖罪。謙不知。甚虔之反已也。及聞

睿兵奄至。惶懼。計無所出。奔新都縣。令王寶執而斬之。傳首京師。

後

王盟

周書列傳盟字子作。明德皇后之兄也。其先樂浪人。六世祖波。前燕太宰祖珍。魏黃門侍郎。贈并州刺史。樂浪公。罷。伏波將。

軍以良家子鎮武川因家焉魏正光中破六韓拔陵攻陷諸鎮盟亦爲其所擁拔陵破後派寓中山孝昌初除積射將軍從蕭寶夤西征寶夤遇盟遂逃匿民間以觀其變及爾朱天光入關盟出從之隨賀拔岳爲前鋒擒萬俟醜奴平秦隴常先登力戰拜征西將軍平秦郡守太祖將討侯莫陳悅徵盟赴原州以爲留後大都督鎮高平悅平除原州刺史魏孝武至長安封魏昌縣公邑一千戶大統初再加車騎大將軍儀同三司三年徵拜司空尋轉司徒迎魏文帝悼后於茹茹加侍中遷太尉魏文帝東征以留後大都督行雍州事節度關中諸軍趙青雀之亂盟與開府李諱輔魏太子出頓渭北事平進爵長樂郡公增邑并前二千戶賜姓拓王氏東魏侵汾川圖玉壁盟以左軍大都督守蒲坂軍還遷太保元年進位太傅加開府儀同三司盟安度弘雅仁而汎愛雖位居師傅禮冠羣后而謙恭自處未嘗以勢位驕人魏文帝甚尊重之及有疾數幸其第親問所欲其見禮如此大統十一年薨贈本官謚曰孝定子勵字醜興性忠果有才幹年十七從太祖入關及太祖平秦隴定關中勵常侍從太祖嘗謂之曰爲將坐見成敗者上也被堅執銳者次也勵曰意欲兼之太祖大笑尋拜平東將軍散騎常侍賜爵梁南縣公大統初爲千牛備身直長領左右出入